

منيش ادهم

منيش ادهم ولا عنتر
ولا عرابى ولا شمشون
منيش واحد بيتنطط
ولا عايق ولا مجنون
منيش عايش على الماضى
وببنى ف الخيال فى قصور
ولا شاعر بيتمنظر
وبيكرر كلام مكسور
منيش قاضى ملوش ذمه
ولا مله
وبيحرف ماده فى الدستور
منيش واحد يجيبه الشعب
ويتغير ف يوم عن يوم
ولا واحد يبوس ف الكعب
ولا عمرى ف يوم راح اكون
يكون همه يذل الشعب

وسيفه ع الرقاب مسنون
منيش واقف ع المنبر
احلل مره واحرم
ما بين القـــــوم
منيش فارس على حصانى
وبتباهى بنساء الكون
لكن انسان عايش تايه
وشاف الحلم بالمقلوب
لكن انسان وعاش يحلم
يشوف حاكم
يرد الظلم ع المظلوم
انا ف الاصل مصراوى
وشكلى ولونى قمحاوى
وبكتب شعرى ف غناوى
وبعشق كل شىء ف الكون
منيش ادهم ولا عرابى
ولا شمشون